



PROJEKT FINANSIRA
EVROPSKA UNIJA



Empowered lives.
Resilient nations.

Projekat „Lokalni integrisani razvoj“ (LIR)

SMJERNICE ZA PODNOŠENJE PRIJAVE I PRIJAVNI OBRAZAC

**ZA PODNOSIOCE PRIJAVE NA JAVNI POZIV ZA IZRAŽAVANJE INTERESA
ZA FIZIČKA LICA S PODRUČJA JEDINICA LOKALNE SAMOUPRAVE
GRADIŠKA I NOVI GRAD (RS)**

**ZA UČEŠĆE U AKTIVNOSTIMA PODIZANJA ZASADA I PROIZVODNJE
PAPRIKE**

Sarajevo, 7. april 2017. godine

1. Opće informacije

Projekat „**Lokalni integrisani razvoj**“ (**LIR**) je trogodišnja inicijativa (2016.-2018.) koju primarno finansira Evropska unija (EU), a provodi Razvojni program Ujedinjenih nacija (UNDP) u saradnji sa Ministarstvom za ljudska prava i izbjeglice Bosne i Hercegovine (BiH), Ministarstvom razvoja, poduzetništva i obrta Federacije Bosne i Hercegovine (FBiH), Ministarstvom uprave i lokalne samouprave Republike Srpske (RS) i dva entitetska saveza opština/općina i gradova. Projekat se implementira u 21 jedinici lokalne samouprave (JLS) u BiH.

Projekat ima za cilj podizanje životnog standarda i povećanje socijalne kohezije u BiH putem inkluzivnog održivog socioekonomskog razvoja. Specifični cilj projekta je stimulacija odgovornog i dobrog upravljanja, ekonomskog razvoja te promocija socijalne inkluzije na lokalnom nivou kroz integrisani lokalni razvoj, prvenstveno u područjima pogođenim poplavama kao i onim s velikim procentom povratnika/interno raseljenih lica.

U okviru komponente za ekonomski oporavak, projekat će direktno podržati privatni sektor te potencijalne investitore kako bi se osigurao ekonomski rast te stvorila nova radna mjesta i prihodi. Također, projekat predviđa pomoć i za dugoročno nezaposlene i socijalno isključene kategorije stanovništva (s naglaskom na povratnike, interno raseljene i dugotrajno nezaposlene osobe). Osim toga, projekat planira podržati jedinice lokalne samouprave, u saradnji sa zavodima za zapošljavanje ili centrima za socijalnu pomoć, u realizaciji kvalitetnih i efikasnih programa podrške zapošljavanju kroz javne radove ili slične mjere za zapošljavanje, te na taj način pružiti podršku dugoročno nezaposlenim i socijalno isključenim kategorijama stanovništva u odabranim JSL.

Na osnovu izvršenih analiza lanaca vrijednosti, identifikovani su lanci unutar sektora poljoprivrede kroz koje će projekat kroz ciljane intervencije direktno podržavati ruralna domaćinstva kako bi se povećala cjelokupna ekonomska aktivnost u ciljanim zajednicama i produktivnost lanaca vrijednosti, rezultirajući uspostavom održivih poljoprivrednih gazdinstava i dodatnim i dugoročnim izvorima prihoda za navedena domaćinstva. Pri tome će poseban fokus biti na ranjivim kategorijama stanovništva u koje spadaju povratnici i raseljena lica, domaćinstva pogođena poplavama tokom 2014. godine, osobe sa invaliditetom, Romi i pripadnici ostalih manjina, dugoročno nezaposleni, mladi i žene iz ugroženih sredina te dugoročno nezaposleni.

2. Ciljevi

Prvenstveni cilj ovog javnog poziva jeste pružanje prilike zainteresovanim fizičkim licima¹ iz ruralnih domaćinstava sa područja opština/općina Gradiške i Novog Grada da podnesu prijavu za dodjelu podrške za podizanje zasada i proizvodnju paprike na otvorenom prostoru na pojedinačnim površinama od 2-4 dunuma.

Pored paketa podrške od strane UNDP-a, odabranim korisnicima će biti dodijeljen sadni materijal paprike koji će korisnici otplatiti kroz otkup paprike u 2017. godini i biti pružena kontinuirana tehnička i savjetodavna podrška za komercijalni uzgoj paprike od strane SAVA GARDEN & MORE² (projekat Njemačkog društva za međunarodnu saradnju - GIZ).

Odabrani korisnici će imati mogućnost da se komercijalno uvežu sa SAVA GARDEN & More i potpišu kooperantske ugovore i na taj način obezbijede siguran plasman proizvedene paprike poznatom kupcu.

¹ Termini navedeni u ovom pozivu kao što su podnosilac, fizičko lice i sl. su rodno neutralni i odnose se na pripadnike oba spola.

² SAVA GARDEN & MORE d.o.o. – Preduzeće za tržištenje, organizaciju proizvodnje i savjetodavnu službu.

3. Opis planirane podrške

U okviru ovog javnog poziva, podnosioci mogu podnijeti prijave samo za pojedinačne pakete podrške za podizanje zasada paprike kako slijedi:

R/B	Tip proizvodnje	Struktura paketa podrške koja će biti pružena od strane UNDP LIR projekta svakom pojedinačnom korisniku
1.	Podizanje zasada i proizvodnja paprike na otvorenom prostoru na površini od 2-4 dunuma	Paket prihrane i zaštite za površinu od 2-4 dunuma, stručna agro-pedološka analiza zemljišta (ukoliko je potrebna), folija za uzgoj paprike za površinu od 2-4 dunuma i odgovarajući sistem za navodnjavanje (filteri, spojnice, trakasto crijevo, ventili i sl.) za navedenu površinu.

Napomene: Navedeni paket podrške se ne može mijenjati niti prilagođavati zahtjevima i željama podnosilaca prijave. Svi odabrani korisnici će biti u obavezi da preuzmu paket prihrane i zaštite, foliju te sistem za navodnjavanje. Sadni materijal paprike (crvena paprika, sorta KAPIJA ili slična) će biti dodijeljen od strane SAVA GARDEN & More, koji će odabrani korisnici otplatiti kroz otkup paprike tokom poljoprivredne sezone 2017. godine. Podnosioci prijave koji su kroz ranije projekte UNDP-a već dobili sisteme za navodnjavanje za uzgoj paprike, neće biti u mogućnosti da ponovo dobiju sistem za navodnjavanje.

Kako je prethodno navedeno, putem SAVA GARDEN & More će odabrani korisnici biti komercijalno uvezani u sistem otkupa paprike te će na taj način imati obezbijeđen plasman svojih proizvoda. U sklopu podrške od strane SAVA GARDEN & More tokom 2017. godine, korisnicima će biti obezbijeđena kontinuirana stručna savjetodavna podrška kako bi unaprijedili postojeća i usvojili nova znanja i vještine u oblasti savremenih poljoprivrednih proizvodnih tehnika i dobrih poljoprivrednih praksi.

Od podnosioca se očekuje da osiguraju odgovarajuću površinu obradivog i pogodnog zemljišta za uzgoj paprike na otvorenom (od minimalno 2 dunuma do maksimalno 4 dunuma), preuzmu i otplate sadni materijal paprike po iznad navedenim uslovima od strane SAVA GARDEN & More, osiguraju stabilan izvor vode na odabranoj parceli, pripreme zemljište za sadnju, izvrše sadnju i u potpunosti se pridržavaju stručnih uputa i učestvuju u obukama organizovanim od strane SAVA GARDEN & More. Također, podnosioci će biti dužni da osiguraju stajnjak, potrebnu pomoćnu opremu i stvari, eventualno očiste i uklone postojeću vegetaciju i izvrše ostale pripremne aktivnosti prije i za vrijeme sadnje i podizanja zasada paprike.

Indikativni vremenski okvir trajanja projektne podrške odabranim korisnicima je u periodu Maj 2017–Oktobar 2017. godine. UNDP zadržava pravo da izmijeni ili produži vremenski okvir u zavisnosti od broja odabranih korisnika i dinamike implementacije projekta.

Pravo učešća imaju sva fizička lica koja ispunjavaju opšte i dodatne kriterije i koja su spremna da obezbijede iznad tražene stavke.

Fizička lica koja su već dobila pomoć u 2014., 2015. i 2016. godini kroz UNDP-ove projekte kao što su podizanje komercijalne poljoprivredne proizvodnje, proizvodnja paprike, proizvodnja krušne pšenice, proizvodnja konzumnih jaja, uspostavljanje plasteničke proizvodnje i sl. imaju pravo prijave na ovaj javni poziv te će prilikom evaluacije u obzir biti uzeti njihovi rezultati i sveukupna ocjena uspješnosti njihovog učešća u navedenim projektima. Nepotpune prijave se neće uzimati u razmatranje.

4. Kriteriji za prijavu fizičkih lica

UNDP poziva sva fizička lica koja ispunjavaju potrebne uslove da podnesu prijavu za učešće u aktivnostima projekta „Lokalni integrisani razvoj“.

Prijaviti se mogu fizička lica koja su se bavila ili se bave poljoprivrednom proizvodnjom te koja žive na području jedinica lokalne samouprave Gradiška i Novi Grad.

Svaki podnosilac prijave (fizičko lice) treba ispuniti sljedeće osnovne kriterije:

- ❑ Podnosilac prijave mora imati prebivalište i imati prethodno iskustvo u poljoprivrednoj proizvodnji, odnosno baviti se poljoprivrednom djelatnošću na teritoriji navedenih jedinica lokalne samouprave;
- ❑ Parcela na kojem će se pokrenuti proizvodnja paprike mora imati pristup putu i stalni izvor čiste vode za navodnjavanje (česma, bunar, čatrnja, potok i sl.);
- ❑ Podnosilac mora nesmetano raspolagati sa poljoprivrednim zemljištem (od minimalno 2.000 m² do maksimalno 4.000 m²) na kojem će se uspostaviti proizvodnja paprike i trebaju biti sposobni za obavljanje planirane poljoprivredne proizvodnje. Zemljište koje se nalazi na klizištu se ne može koristiti za podizanje zasada. Osobe koje su pretrpjele štetu od klizišta, a imaju na raspolaganju zemljište koje se ne nalazi na klizištu, mogu se prijaviti sa zamjenskim zemljištem;
- ❑ Zemljište za proizvodnju paprike treba ispunjavati potrebne agrotehničke i agropedološke uslove (osunčano i odgovarajućeg kvaliteta, zemljište ne smije biti močvarno i sa depresijama u kojima se zadržava voda i sl.);
- ❑ Podnosilac treba biti registrovan u Registru poljoprivrednih gazdinstava i Registru klijenata u skladu sa pravilnikom o registraciji poljoprivrednih gazdinstava ili biti u procesu registracije.

Dodatni kriteriji:

- ❑ Podnosilac je pretrpio/la materijalnu štetu od poplava tokom maja 2014. godine;
- ❑ Podnosilac živi u domaćinstvu u kojem su svi članovi nezaposleni, odnosno u kojem samo jedan član ima zaposlenje. Zaposlenjem se smatra ukoliko član domaćinstva obavlja posao za koji uplaćuje poreze i doprinose iz zasnovanog radnog odnosa;
- ❑ Podnosilac prijave živi u domaćinstvu koje ima 5 ili više članova domaćinstva;
- ❑ Podnosilac je samohrani roditelj;
- ❑ Podnosilac prijave je osoba mlađa od 30 godina starosti;
- ❑ Podnosilac prijave je žena;
- ❑ Podnosilac prijave ima status povratnika ili raseljene osobe;
- ❑ Podnosilac ima status osobe sa posebnim potrebama i/ili invaliditetom, ili živi u domaćinstvu sa osobom sa posebnim potrebama i/ili invaliditetom.

Ukoliko je ukupan broj potencijalnih korisnika koji ispunjavaju navedene uslove veći od broja korisnika koji mogu biti podržani, prednost će se davati višečlanim domaćinstvima te domaćinstvima koja u svom sastavu imaju osobe koje ispunjavaju više kriterija (npr. osobe sa invaliditetom koje dijele domaćinstvo sa osobama bez primanja).

5. Smjernice za prijavu i potrebna prateća dokumentacija:

- a) Nakon što projekat „Lokalni integrisani razvoj“ objavi poziv za podnošenje prijave, sva zainteresirana fizička lica koja žive na području odabranih jedinica lokalne

samouprave, mogu preuzeti odgovarajuće obrasce za prijave u zgradi jedinice lokalne samouprave u kojoj žive ili sa web stranice <http://www.ba.undp.org>.

- b) Fizička lica koja ispunjavaju uslove se pozivaju da dostave prijave, uključujući i svu potrebnu prateću dokumentaciju koja je navedena u nastavku, najkasnije do **28.04.2017. god. do 17:00 sati**. Aplikacije se mogu dostaviti putem pošte u UNDP ured:

- Banja Luka: UNDP, Trg Republike Srpske 1/C1, 78000 Banja Luka

Ukoliko se aplikacije šalju putem pošte, dokaz da je aplikacija dostavljena u roku predstavlja datum na otpremnici, poštanski žig ili priznanica.

Sve prijave koje se dostavljaju putem pošte moraju biti predane u zatvorenoj koverti naslovljene na „PROJEKAT LOKALNI INTEGRISANI RAZVOJ – JAVNI POZIV ZA PODIZANJE ZASADA I PROIZVODNJU PAPRIKE“.

- c) Za sve dodatne informacije i pojašnjenja tokom perioda podnošenja prijava, podnosioci zahtjeva mogu direktno uputiti pitanja, upite i zahtjeve u pisanoj formi, na broj faksa +387 33 552 330 ili e-mail registry.ba@undp.org. Pri slanju upita u pisanoj formi potrebno je naglasiti da se upit odnosi na javni poziv za podizanje zasada i proizvodnju paprike u sklopu LIR projekta.
- d) Obrasci s nepotpunim podacima će biti odbijeni (označiti s nulom (0) ako podaci nisu navedeni).
- e) Prijave koje ne sadrže potrebnu prateću dokumentaciju se neće razmatrati.

Pored ispravno popunjenog i potpisanog obrasca za prijavu (obrazac je na 10. i 11. strani poziva) i izjave o saglasnosti (izjava je na stranici 12. ovog poziva), fizička lica koja se prijavljuju za učešće trebaju dostaviti prateću dokumentaciju, koja je navedena u nastavku.

Popis prateće dokumentacije:

1. Obavezna dokumentacija:
 - ❑ Ispravno popunjena i potpisana izjava o saglasnosti korisnika u projektu te popunjen i potpisan obrazac za prijavu;
 - ❑ Kopija lične karte;
 - ❑ Prijava CIPS (ne starija od 30 dana, original ili ovjerena fotokopija);
 - ❑ Kućna lista za domaćinstvo aplikanta sa datumom izdavanja iz perioda trajanja javnog poziva;
 - ❑ Potvrda sa biroa za zapošljavanje ne starija od 30 dana; Ukoliko je moguće, potvrda treba biti dostavljena za sve članove porodice koji su nezaposleni. Potvrda nadležne opštinske/općinske službe ili APIF-a prema mjestu prebivališta da je podnosilac registrovan/a ili podnio/podnijela zahtjev za upis u Registar poljoprivrednih gazdinstava i Registar klijenata u skladu sa pravilnikom o registraciji poljoprivrednih gazdinstava. Označiti na kojoj parceli ili parcelama će se vršiti proizvodnja paprike. Parcele moraju biti navedene u Registru poljoprivrednih gazdinstava i klijenata. Ukoliko nisu navedene, potrebno je dostaviti kopiju ZK izvatka ili posjedovnog lista za predviđene parcele. Ukoliko parcele nisu u vlasništvu podnosioca prijave, potrebno je dostaviti ugovor o zakupu ili korištenju parcele u trajanju od minimalno 1 godine. Ugovor NE TREBA biti ovjeren kod notara.

2. Dodatna dokumentacija

- ❑ Potvrda/prijava o pretrpljenoj materijalnoj šteti – općina/opština ili druga nadležna institucija (podnosi se ukoliko je podnosilac pretrpio štetu tokom poplava u maju 2014. godine);
- ❑ Ukoliko je osoba koja aplicira samohrani roditelj potrebno dostaviti sljedeće dokumente: Dokaz da se radi o samohranom roditelju (smrtni list supruga/e, rješenje o razvodu i rodni list djeteta/djece);
- ❑ Ukoliko osoba koja aplicira ima status povratnika ili raseljenog lica, potrebno je dostaviti: 1. *Potvrdu za povratnike*: Potvrda izdata od opštinske/gradske službe, MUP-a ili nadležnog ministarstva koja potvrđuje status povratnika; 2. *Potvrdu za raseljene osobe*: Kopija originalne dokumentacije koja potvrđuje status raseljene osobe ili potvrda od nadležnog ministarstva ili opštine/grada koja potvrđuje status raseljene osobe;
- ❑ Ukoliko osoba koja podnosi prijavu ima status osobe sa posebnim potrebama i/ili invaliditetom, potrebno je dostaviti rješenje o invalidnosti ili zdravstvenom stanju, rješenje o radnoj sposobnosti ili neki drugi dokument u kojem je identificiran invaliditet ili zdravstveno stanje. Ukoliko podnosilac prijave zbog svog zdravstvenog stanja ne može obavljati planiranu poljoprivrednu proizvodnju, neka druga radno sposobna osoba iz domaćinstva treba biti nosilac prijave. Ukoliko podnosilac prijave nema status osobe sa invaliditetom ili posebnim potrebama, a živi u domaćinstvu u kojem jedan član ili više njih imaju status osobe sa invaliditetom ili posebnim potrebama, onda je potrebno dostaviti navedene dokumente za osobe sa invaliditetom ili posebnim potrebama iz domaćinstva.

6. Uloge i odgovornosti strana

Projekat „Lokalni integrisani razvoj“ će pružiti podršku odabranim korisnicima koja će se dodjeljivati u okviru raspoloživih sredstava projekta.

Svi aplikanti po osnovu ovog javnog poziva će morati potpisati Izjavu o saglasnosti, kojom izražavaju svoju spremnost da zadovolje sljedeće zahtjeve (Izjava o saglasnosti dostupna u nastavku, na stranici br. 12):

- ❑ da pružaju sve relevantne informacije na zahtjev UNDP-a te pristup parceli tokom posjeta u cilju procjene podobnosti za implementaciju projekta;
 - ❑ da učeštvuju u obukama i aktivnostima savjetodavne podrške organiziranim od strane UNDP-a i/ili SAVA GARDEN & More u BiH;
 - ❑ da preuzmu sadni materijal za uzgoj paprike od strane SAVA GARDEN & More i otplata istog kroz otkup paprike;
- ❑ da potpišu odgovarajuće ugovore o primopredaji paketa podrške sa nadležnom jedinicom lokalne samouprave;
- ❑ da daju vlastiti doprinos uspostavljanju zasada i proizvodnje paprike (priprema zemljišta, čišćenje i uklanjanje postojeće vegetacije i ostale pripremne aktivnosti prije i za vrijeme sadnje) tokom poljoprivredne sezone 2017. godine;
- ❑ da provode sve potrebne agrotehničke mjere za uzgoj paprike tokom perioda uzgoja.

7. Proces odabira

Izbor korisnika pomoći na osnovu ovog javnog poziva će vršiti Komisija za odabir imenovana od strane UNDP-a koja će djelovati na nivou jedinica lokalne samouprave ili grupe jedinica lokalne samouprave, uz učešće i predstavnika JLS. Komisija će razmatrati prijave u skladu sa odredbama ovog javnog poziva.

Rezultati o izboru korisnika projekta bit će objavljeni na oglasnoj ploči opština/općina i web stranici <http://www.ba.undp.org>.

Izbor korisnika će se odvijati u dvije faze, uključujući:

Prva faza: Usklađenost i evaluacija prijava po kriterijima iz javnog poziva

- Komisija za odabir provodi pregled prijava i pregled usklađenosti prijave s administrativnim zahtjevima;
 - Provjera da li je dostavljena sva potrebna dokumentacija;
 - Vrednovanje i bodovanje prijava fizičkih lica.

Druga faza: Terenske posjete i procjena fizičkih lica/konačni odabir

- Komisija će provoditi terensku posjetu kod odabranih fizičkih lica iz prve faze.
- Komisija će procijeniti tačnost informacija navedenih u obrascu za prijavu.

Napomene: Ukoliko se ustanovi da ponuđeno zemljište nije pogodno za uzgoj paprike, prijava se neće uzeti u dalje razmatranje!

U slučaju da se kroz terenske posjete i verifikaciju podataka iz prijava dođe do saznanja o lažnom predstavljanju i davanju netačnih informacija, podnosilac/podnositeljka prijave će po automatizmu biti isključen/a iz programa.

8. Evaluacija

Sve dostavljene prijave će se ocjenjivati u dvije faze od strane Komisije za odabir, u skladu sa ispod propisanim kriterijima, pri čemu je svaka faza eliminatorna.

KORAK 1. OTVARANJE PRISTIGLIH PRIJAVA, PROVJERA NA OSNOVU ADMINISTRATIVNIH I KVALIFIKACIONIH KRITERIJA, I EVALUACIJA PRIJAVA.

U sklopu prve faze, po prijemu i otvaranju prijava, ocjenjuju se sljedeći elementi:

- Da li je prijava dostavljena u utvrđenom roku. Ukoliko nije, ista se automatski odbija.
- Da li prijava ispunjava sve **osnovne administrativne kriterije** navedene u listi ispod. Ukoliko ne zadovoljava i ukoliko je odgovor na jedno od pitanja u tabeli ispod „NE“, prijedlog projekta neće biti dalje razmatran.

ISPUNJENOST ADMINISTRATIVNIH ZAHTJEVA I KRITERIJA		
Provjera ispunjenosti osnovnih administrativnih kriterija i dostavljene obavezne dokumentacije:	DA	NE
Ispunjen obrazac za prijavu za podršku pri uspostavljanju zasada i proizvodnje paprike.		
Potpisana izjava o saglasnosti.		
Kopija lične karte.		
CIPS prijava (ne starija od 30 dana, original ili ovjerena fotokopija).		

Kućna lista za domaćinstvo podnosioca prijave sa datumom izdavanja iz perioda trajanja javnog poziva.		
Dokaz o vlasništvu ili korištenju poljoprivrednog zemljišta od minimalno 2 dunuma.		
Potvrda nadležne opštinske/općinske službe ili APIF-a o registraciji u Registru poljoprivrednih gazdinstava i Registru klijenata u skladu sa pravilnikom o registraciji poljoprivrednih gazdinstava ili odgovarajući dokumentovani dokazi da je podnosilac prijave u procesu registracije.		

Također, u ovoj fazi će se izvršiti provjera ispunjenosti dodatnih kriterija i dostavljene dodatne dokumentacije. **Dodatni kriteriji nisu eliminatorni i njihovo neispunjavanje ili djelimično ispunjavanje neće diskvalifikovati podnosioca iz procesa evaluacije ukoliko zadovolje minimalan broj bodova na bazi ispunjenosti osnovnih administrativnih kriterija.** Lista ispunjenosti dodatnih kriterija i pripadajuće dokumentacije je kako slijedi:

Dodatna dokumentacija:		DA	NE
Potvrda/prijava o pretrpljenoj materijalnoj šteti 2014. godine.			
Dokaz da se radi o samohranom roditelju (smrtni list supruga/e, rješenje o razvodu i rodni list djeteta/djece).			
Potvrda za povratnike ili potvrda za raseljene osobe.			
Potvrda sa biroa za zapošljavanje ne starija od 30 dana; Ukoliko je moguće, potvrda treba biti dostavljena za sve članove porodice koji su nezaposleni.			
Ukoliko osoba koja podnosi prijavu ima status invalidne osobe ili osobe sa posebnim potrebama, potrebno je dostaviti rješenje o invalidnosti ili zdravstvenom stanju, rješenje o radnoj sposobnosti ili neki drugi dokument u kojem je identificiran invaliditet ili zdravstveno stanje. Ukoliko podnosilac prijave živi u domaćinstvu u kojem jedan član ili više njih ima status invalidne osobe ili osobe sa posebnim potrebama, potrebno je dostaviti i navedene dokumente za invalidne osobe ili osobe sa posebnim potrebama iz domaćinstva.			

Evaluacijska ljestvica

Dodatni kriteriji	Maksimalan broj bodova
Podnosilac prijave je osoba mlađa od 30 godina starosti.	5
Podnosilac prijave je žena.	5
Podnosilac živi u višečlanom domaćinstvu: a) Domaćinstvo od 7 i više članova-20 bodova b) Domaćinstvo od 5-6 članova-10 bodova c) Domaćinstvo do 4 i manje članova-0 bodova	20
Podnosilac prijave je pretrpio materijalnu štetu u poplavama 2014. godine.	5
Podnosilac prijave je samohrani roditelj.	15
Podnosilac prijave ima ili je imao status povratnika ili raseljene osobe.	15

Podnositelj ima status invalidne osobe ili osobe sa posebnim potrebama ili živi u domaćinstvu u kojem jedan član ili više njih ima status invalidne osobe ili osobe sa posebnim potrebama.	15
Podnositelj živi u domaćinstvu u kojem su svi članovi nezaposleni. Zaposlenjem se smatra ukoliko član domaćinstva obavlja posao za koji uplaćuje poreze i doprinose iz zasnovanog radnog odnosa: a) Svi članovi nezaposleni-20 bodova b) 1 član zaposlen-10 bodova c) 2 i više članova zaposleno-0 bodova	20
Ukupan max. broj bodova:	100

LIR Projekat neće uzeti u razmatranje prijave koje imaju manje od 40 bodova. Nakon ocjenjivanja prijedloga u skladu sa iznad navedenim kriterijima, definira se preliminarna rang lista u skladu sa ostvarenim brojem bodova. Nakon toga, u sklopu druge faze procesa selekcije će se izvršiti verifikacija tačnosti podataka navedenih u obrascu za prijavu i raspoloživih informacija iz JLS službi kao i iz APIF baze, te će se definisati konačna rang lista odabranih korisnika. U slučaju nedovoljnog broja kandidata sa minimalnim brojem bodova, UNDP i komisija za odabir zadržavaju pravo da uzmu u obzir i kandidate sa manjim brojem bodova od minimuma.

9. Indikativni vremenski okvir

Predviđeni indikativni vremenski okvir za provedbu procesa odabira je slijedeći:

AKTIVNOST	DATUM
Objava poziva	07.04.2017
Krajni rok za dodatne upite i pojašnjenja	21.04.2017
Rok za podnošenje prijave	28.04.2017
Obavijest o konačnim rezultatima poziva	09.05.2017
Isporuka paketa podrške i potpisivanje ugovora sa odabranim fizičkim licima	Početkom maja 2017. godine

OBRAZAC ZA PRIJAVU³

Projekat „Lokalni integrisani razvoj“ Prijava za podršku za uspostavljanje zasada i proizvodnje paprike				
INFORMACIJE O PODNOSIOCU PRIJAVE				
Ime i prezime:				
Datum rođenja:	JMBG:	Broj telefona:		
Adresa:				
Opština/Općina:				
Informacije o članovima domaćinstva:				
Ime i prezime	Spol (M/Ž)	JMBG	Porodični odnos	Starost
Da li posjedujete više od jedne stambene jedinice? Da ☐ Ne ☐				
Ukoliko je odgovor da, da li su ostali objekti u Vašem vlasništvu na prostoru opštine/općine boravišta?				
Da ☐ Ne ☐				
Da li ste pretrpjeli štetu tokom poplava u maju 2014. godine: Da ☐ Ne ☐				
Da li su navedeni objekti stradali u poplavama: Da ☐ Ne ☐				
Status invalidne osobe ili osobe sa posebnim potrebama: Da ☐ Ne ☐				
Da li u domaćinstvu imate članova domaćinstva sa statusom invalidne osobe ili osobe sa posebnim potrebama:				
Da ☐ Ne ☐				
Status samohranog roditelja: Da ☐ Ne ☐				
Status povratnika: Da ☐ Ne ☐				
Da li ste u protekle 3 godine učestvovali u nekom od UNDP-ovih projekata? Da ☐ Ne ☐				
Ukoliko je odgovor da, navedite u kojem projektu ste učestvovali: _____				
PODACI O SOCIJALNOM STATUSU PODNOSIOCA				
Radni status (za članove domaćinstva između 18 i 65 godina starosti)				
Ime i prezime člana domaćinstva	Zaposlen/a	Nezaposlen/a	Student/ica Penzioner/ka	

³ Kao odgovor na pitanja iz obrazca za prijavu koja nisu primjenjiva u Vašoj situaciji, onda u polju predviđenom za odgovor na ta pitanja trebate navesti nulu (0)

STATUS POLJOPRIVREDNE PROIZVODNJE		
Navedite kojom ste se poljoprivrednom djelatnošću bavili ili se trenutno bavite (voćarstvo, povrtlarstvo itd.)?		
Navedite površine koje ste obrađivali ili trenutno obrađujete (u m2)?		
Navedite godišnje prinose po kulturi koje ste ostvarivali?	_____ kg _____ kg _____ kg _____ kg _____ kg	
Koliko dugo se bavite ili ste se bavili ovom vrstom proizvodnje?		
Gdje i kome prodajete svoje proizvode (ukoliko se bavite komercijalnom poljoprivredom)?		
Da li se trenutno bavite ili ste se bavili uzgojem paprike? Ako da, kojih sorti?		
Da li posjedujete poljoprivrednu mehanizaciju? Ako da, navedite koju.		
POVRŠINA ZEMLJIŠTA KOJU PRIJAVLJUJETE		
U skladu sa javnim pozivom, molimo Vas da ispod navedete koju površinu poljoprivrednog zemljišta prijavljujete za podizanje zasada i uzgoj paprike. Potrebno je navesti površinu u dunumima, uz napomenu da površina mora biti od minimalno 2 do maksimalno 4 dunuma.		
Površina zemljišta koju prijavljujem za uspostavljanje zasada i proizvodnju paprike: _____		
Ja, _____, ovim potvrđujem tačnost navedenih podataka i prihvatam da netačnost navoda u ovoj prijavi znači automatsku diskvalifikaciju mog učešća u projektu „Lokalni integrisani razvoj“.		
Potpis:	Datum:	

IZJAVA O SAGLASNOSTI

Ja, _____ /ime i prezime podnosioca prijave/,

saglasan sam da u slučaju da budem odabran za učešće u projektu „Lokalni integrisani razvoj“, na zahtjev UNDP-a osiguram sljedeće:

- ☐ pružanje svih relevantnih informacija na zahtjev UNDP-a te pristup parceli tokom posjeta u cilju procjene podobnosti za implementaciju projekta;
- ☐ učešće u obukama i aktivnostima savjetodavne podrške organiziranim od strane UNDP-a i/ili SAVA GARDEN & More u BiH;
- ☐ preuzimanje sadnog materijala za uzgoj paprike od strane SAVA GARDEN & More i otplata istog kroz otkup;
- ☐ potpisivanje odgovarajućih ugovora o primopredaji paketa podrške sa nadležnom jedinicom lokalne samouprave;
- ☐ vlastiti doprinos uspostavljanju zasada i proizvodnji paprike (priprema zemljišta, čišćenje i uklanjanje postojeće vegetacije i ostale pripremne aktivnosti prije i za vrijeme sadnje) tokom poljoprivredne sezone 2017. godine;
- ☐ provođenje svih potrebnih agrotehničkih mjera za uzgoj paprike tokom perioda uzgoja.

Potpis: _____

Datum: _____